



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt III. Legati morbus. Arma à Lutheranis mota. Cæsar is ac Tridenti discrimina. Multirum Antistitum discessus. Synodi suspensio. In eam contestatio quorundam Hispanorum Patrum. Legati obitus.

urn:nbn:de:hbz:466:1-11665

1552.

C A P V T III.

Legati morbus. Arma à Lutheranis mota. Cæsarî ac Tridenti dif. criminâ. Multorum Antistitutum discessus. Synodi suspensio. In eam contestatio quorundam Hispanorum Patrum. Legati obitus.

I Am verò pars est ad incepta nos regredi. Paucos intra dies incidit in morbum Legatus: ^a & ut mos est, Magnatum ægrotationes adscribi semper animorum ægritudini, perinde ac si in ipsis, aduersus quām in reliquis hominibus vñuenit, non animus ex corpore, sed corpus semper ex animo tantum pati posset; ita creditum est, morbum ab eo fuisse contractum ex ægrimonia, quod Synodus se duce progressus haberet improsperos, & contra præceptam spem, quin propinquæ solutionis indicia præ se ferret. Neque hīc negauero quod narrat Sleidanus, tamethi à Spondano probabile coniecturā reieclum tamquam scriptoris aperte maligni narrationem, à nullo reliquorum auctorum confirmatam, nimirum, Crescentio pridie quām æger decumberet, vesperi fuisse visum ingentem & nigrum canem, toruis oculis: quare accitis duobus cubiculariis ab eo impositum, vt illum abigerent, quem idem sub propinqua mensula latere affirmabat; sed diu conquisitus huiusmodi canis nullum repertus est, nisi in heri phantasia, in qua referunt permanisse ad ipsam donec viueret perturbandam: haud, inquam, factum negauero; nam in iis quæ apud me sunt monumentis ^b, id vere narratur. Lewis tamen peruersaque mentis est, argumentum deducere aeternæ vindictæ illi viro infligendæ, ex oculorum præstigiis, quæ consuetas nouimus iis qui ob humores lethali corruptioni proximos hallucinantur. Quamobrem maiori cum grauitatis laude Suavis hanc rem neglexisse, quām Sleidanus aut supra verum amplificasse, aut supra verisimile interpretasse visus est.

Ægrotante Legato primas partes Pighinus exercebat: tunc verò accidit, vt explosi Protestantium cuniculi in Cæsarem impetum fecerint. Mauritius Septemuir, & iniuriæ sibi ducens numquam impetrata libertatem Philippi Lantgrauij, socii sui, qui fē Carolo dederat, acceptâ fide de carcere non perpetuō futuro, & dedecor sibi vertens Cæsarî scumba, quo respondebatur, nullam diuturnitatem esse perpetuam, conspiratione initâ cum pluribus Germaniæ Principibus ac Rege Galliæ, arma mouit: & cūm facile prædiuum externorum vincatur, vbi ciuium animi possidentur, leui ne-

^a 25. Martij,
ex Diario
Magistri cæ-
rimoniarum.

^b Diarium
Magistri cæ-
rim. qui huic
eueniui ad-
fuit, & eum
narrat sub
25. Martij.

gotio Augustam, propensione Lutheranam, occupauit. Dein fœderatorum exercitus Oeniponto minitatus est, vbi Cæsar degebatur, adeoque Tridentum etiam urbem propinquam deterruit: vnde multi Episcopi non solum Itali, sed Hispani fugam arripiuere, tametsi Oratores Cæsaris omni studio eleuare pericula niterentur; & Carolus post aliquam titubationem statuisse haud Oeniponto discedere, ne sui metus confessione animum perduellibus adderet, & famam hostilis potentia, fortissimam inter bellicas machinas, roboraret. Sed Madruccius, nolens per attenuatum verbo periculum re ipsum augere malo suo, & sollicitus, ne vrbi suæ aut maius esset præsidium ad propellendas, aut minus illicium ad prouocandas Protestantium aggressiones, Pontifici significauit^e, tutam ab ^c Adriani fœderatorum impetu eam mansionem se pôliceri non posse. Qua-^{lib. 8.}

propter Pontifex, re in deliberationem vocatâ in cœtu Purpuratorum^d die 15. Aprilis, ex eorum sententia Concilij suspensionem de-^{d In Actis Confit.}

creuit, & in eodem cœtu ad Collegium retulit, quæ de induciis cum Turnonensi egerat.

Contra Cæsariani in Tridentina vrbe vel maximè abhorrentes ab ea interruptione Synodi, quæ tot ipsorum curis laboribusque confecta tantæ spei basis erat, denuò obstrepere, perinde ac in huiusmodi occasionibus consueuerant: & quoniam interdum ipsa imbecillitas acuit ad minas, significarunt, velle se in eo negotio extrema quæque tentare. Quocircà Præsides, quippe inferioris Ordinis Præfules, ausi non sunt confessim mandata exequi; sed Pontificem monuerunt, ^e permolestam Patribus futuram fuisse suspensiō-^{e Acta in Ar-}
nem, Pontificio Diplomate indictam absque vlla auctoritate ac vo-^{ce S. Angeli,}
luntate Concilij; ac proinde se satius duxisse, memoratum Diplo-^{1552.}
ma non depromere, sed curare vt ipsa Synodus id consilij per se
fusco periret. At Pontifex nihil amplius cunctandum rescriptit, & ^f à ^f Litteræ Ca-
se minas huiusmodi planè despici. Vt autem per spei stimulum ^{matant ad}
suave simul & efficax acumen adderet, mandato significari Pighi-^{Massarel-}
no iussit, vbi ille in' Concilio præsidere desineret, incepturnum in ^{Jum, 1. Maij}
Vaticano Senatu considere. Sed hæ litteræ nihil effecerunt, quippe ante ipsarum aduentum confectâ. Etenim prospecto id tem-
poris non cogitatione solum, sed pñne oculis è Tridenti turribus
imminente discrimine, & ineuitabili Patrum ac Theologorum fu-
gâ, prius generalis conuentus habitus est^g, in quo ex plurimorum ^{g 24. Aprilis}
suffragio, ac præcipue Tridentini, Episcopi Zagabrensis, pro Fer-^{1552.}
dinando Rege Oratoris, & Archiepiscopi Granatensis, consilium
suspensionis, infrâ scribendæ, susceptum est; ac posteâ die 28. Apri-
lis

CCC 2

1552. lis celebrata fuit Sessio, solemniter ad aras litante Michaële à Turre, Episcopo Cenetenſi, ibiue decantato extra ordinem Euangelio S. Ioannis, *Modicum iam non videbitis me, & iterum modicum, & videbitis me, &c.* ceterisque ritibus adhibitis præter concionem, Episcopus qui Sacrum celebrabat, hoc Decretum recitauit.

Sacra Sancta Oecumenica & generalis Tridentina Synodus, in Spiritu sancto legitimè congregata, presidentibus in ea Reuerendissimis Dominis, Sebastiano, Archiepiscopo Sipontino, & Aloysio, Episcopo Veronensi, Apostolicis Nuntiis, tam eorum proprio, quam Reuerendissimi & Illustrissimi Domini Marcelli, tituli sancti Marcelli S. R. E. Cardinalis Crescentij Legati, ob aduersam eius grauiissimam valetudinem absentis, nomine, non dubita Christianis omnibus patere, hoc Concilium Oecumenicum Tridentum primò à Paulo felicis recordationis conuocatum & collectum fuisse: deinde à sanctissimo Domino nostro Iulio III. efflagitante Carolo Quinto Augustissimo Imperatore, ea præcipue de causa fuisse restitutum, ut Religionem in multis orbis partibus, & præsertim in Germania, in diuersas opiniones miserabiliter distractam, in statum pristinum renocaret; abusus & mores Christianorum corruptissimos emendaret, cumq; ad hoc agendum quamplurima Patres, nullà laborum suorum periculorumq; habità ratione, è diuersis regionibus alacriter confluxissent; resq; strenue, magno fidelium concursu, feliciterq; procederet, ac spes esset non leuis, illos Germanos, qui eas nouitatem excitarant, in Concilium venturos, & sic animatos, ut veris Ecclesiæ rationibus unanimiter acquiescerent; lux denique quadam rebus affluisse videretur, caputq; attollere inciperet profigata anteā, & afflita Republica Christiana: hi repente tumultus, ea bella hostis generis humani versuū exarserunt, vt Concilium velut hærere, ac suum cursum interrumpere, satis incommodè cogeretur; spesq; omnis ulterioris progressus hoc in tempore tolleretur: tantumq; aberat, vt sancta Synodus Christianorum malis & incommodis mederetur, vt multorum mentes, præter sui animi sententiam, irritaret potius quam placaret. Cum igitur ipsa sancta Synodus omnis, & præcipue Germaniam, armis ardere & discordis videret, omnes ferè Episcopos Germanos, præsertim Princes Electores, suis consultum Ecclesiæ è Concilio abiisse; decreuit tante necessitatì non reluctari, & ad meliora tempora reiicere, vt Patres, quod eis nunc agere non licet, suis oib; propositum ad suas Ecclesiæ regredi valerent; ne diutiū utrobius inutili otio conterantur. Atque ita, quoniam sic temporum conditio tulit, huic Oecumenici Concilij Tridentini progressum per biennium suspendendum fore decreuit, prout præsenti Decreto suspendit: eā tamen lege, ut, si ciuitas pacata res sit, ac tranquillitas pristina reuertatur, quod sperat Dei Optimi Maximi beneficio non longo fors spatio futurum, ipsius Concilij progr.

sus eodem tempore suam vim, firmitatem vigorēq; habere censeatur. 1552.

Sin autem (quod Deus auerat) peracto biennio prædicta legitima impedimenta non fuerint submota; quamprimum cessauerint, talis suspensio eo ipso sublata esse intelligatur, ac suus vigor & robur Concilio sit restitutum, & esse intelligatur, sine alia noua Concilij conuocatione: accedente ad hoc Decretum consensu & auctoritate Sanctitatis sue, & sancte Sedis Apostolice.

5 De hoc Decreto conuenere reliqui omnes, præter duodecim ex Hispanis, qui solemnem contestationem illi opposuere. Inter eos Ioannes Bernardus Dias Episcopus Calaguritanus æquè suspensioni ac prorogationi obstatit: non ita reliqui vnde decim. Hi fuere Saluator Alepus Archiepiscopus Turritanus, Ioannes Salazarius Episcopus Lancialensis, Aluarus à Quadra Episcopus Venusinus, Petrus Acugna Auellaneda Episcopus Asturiensis, Ioannes Fonseca Episcopus Stabiensis, Franciscus Nauarra Episcopus Pacensis, Michaël Puchius Episcopus Elvensis, Ioannes Æmilianus Episcopus Tundensis, Martinus Ayala Episcopus Gadixensis, Aluarus Moscosus Episcopus Pampilonensis, & Petrus Poaz Episcopus Ciuitatenis. Eorum contestatio hæc fuit:

6 Cum hoc sacrum Oecumenicum Concilium, ante tot annos à toto Christiano Orbe desideratum, tantis laboribus procuratum, tandem Tridenti ad extirpandas heresies, tollenda schismata, reformatiō mores, pacemq; inter Christianos Principes componendam, fuerit conuocatum; neque post eius conuocationem fuerit adhuc satis factum nedium omnibus, sed nec plenè aliqui ex causis propter quas conuocatum est, presertim reformationi necessariæ abusu, vnde mala omnia, quibus vexatur Ecclesia, & orta esse, & confoneri apertum est. Nos infra scripti Archipiscopus & Episcopi, nostrarum conscientiarum testimoniis compulsi, huic Decreto suspensionis Concilij cum omnibus in eo contentis circumstantiis & conditionibus, tam quoad substantiam eius quam quoad formam, contradicere decreuimus, prout de presenti contradicimus & repugnamus: tum quia cause suspendendi, qua in eo assignantur, bella scilicet & Germanie tumultus (quos breui sedatos iri ac componi vel in ipso Decreto sperari dicitur) non usque adeo videntur urgere, ut sit propter eas ita à Concilij prosecutione cessandum, saltem in his que ad reformationem attinent: quinimo ad sedandas Principum discordias aptissima via est Concilij conuocatio, subindeq; prosecutio & continuatio. Tum etiam, quia dicta suspensio magis dissolutionis quam iuste, moderata, aut necessariæ supersessionis speciem pra se ferre videtur. Neque enim, et si ceteræ difficultates deerint, quas timere nos docuit experientia, tam celebris Pralatorum conuentus ex tam diuersis remotisq; prouinciis ha-

Ccc 3 bers

1552. beri facile poterit; nec deerunt impugnatoribus Catholicæ Ecclesiæ occa-
nes & rationes ad serenda alendaq; bella atque discordias, quibus huius Con-
ciliij, cuius nomen apud eos est tam odiosum, reaffumptionem impediant, u-
ludiscentur, quod nunc eos conari, variisq; rationibus tentare uidemus, si
præsertim viderint, conatus huiusmodi proferè eis cedere, nof;g; ed adegit,
ut ab incepto opere cessauerimus. Præterea deterret nos ingens scandalum,
certaq; heresum propæ confirmatio, quam ex tali & tam diuturna suspen-
sione nedum ipsis Ecclesiæ aduersariis, sed & Catholicorum plerisque or-
turam esse manifestum est; cum Dowinica castra, publicamq; canam de-
rere non aliâ ratione magis quam persecutionum metu, laborum impa-
tientia, & quod peius est, cause ipsius, & Diuini auxilij desperatione qn-
abuntur; cum tamen in tuto loco, ab omni bellica iniuria remoto, sediffus
viderint, vbi alias, cum non minus periculoſa bella gererentur, nibilomin-
nus ipsa Synodus fiducialiter in Diuino hoc opere perseuerauerit, quod pro-
fecto inficiari nec nos ipsi possumus. Cum itaque e manibus nostris reper-
ta erunt anime, que perituræ sunt per subtractionem huius salubris atque
unici remedij, alif;g; de causis conscientias nostras mouentibus, huic Datum
non expreſſe contradicere non possumus, imò & contradicimus, & qua-
tum possumus, absolute repugnamus. Ne tamen omni consilio non con-
tiendi rationem querere videamus, néve abhorrire credamus à suau-
rum dispositione, cum & nos difficultatis temporum, recessusq; Prelatorum
Germanicæ nationis ferè omnium, rationem aliquam habendam esse no-
improbemus, petimus, ut sequens viam, quam hactenus tenuit atque fa-
uauit haec sancta Synodus, Sectionem ad proxinas Kalendas Maii indicet,
ad moderatum aliquem terminum proroget, diemq; declaret, qui ipse
pro homine interpellat, ut alia conuocatio, declaratio aut intimatio min-
ime sit expectanda, quominus ad hunc locum Conciliij omnes Prelati con-
nire & possint & teneantur. Addentes nibilominus, quod si infra dictum
declarandum terminum prædicta impedimenta cessauerint, curet Sancita
sua Prelatos omnes ad prosecutionem Conciliij renocare, quos interim ad pro-
prias Ecclesiæ remeare, si libeat, licebit. Ultima vero Decreti verba, qn-
bus commendatur Decretorum huius sanctæ Synodi obseruatio, placet
utique, si absque his verbis (quatenus ad eos de iure spectat) publicentur:
que litium occasio esse videntur & seminarium. Que quidem omnia itaq;
non aliter fieri petimus, & protestamur: quod si feciſ ſiat, nullum nobis
nec sanctæ Synodo præiudicium fieri quovis tempore, tam propter huius De-
creti suspensionis publicationem, quam ob quemcumque alium actum factum
vel faciendum, attentatum vel attentandum per quascumque personas con-
tra huius Oecumenici Conciliij auctoritatem & potestatem, Conciliorum
Oecumenicorum omnium. Petimus insuper à Synodi huius Notario, ut hoc
noſtrum

nostram schedulam contradictionis, attestationis, ac protestationis, inter 1552.
Acta Synodi, vñ à cum hoc Decreto inserat, indeq; ipse, vel alij, nobis vnum
vel plura authentica instrumenta exhibeant.

7 Hæc contestatio reliquorum neminem à priori sententia retraxit. Nam quod ad primam partem spectabat, idem ipsi qui contradicebant, prorogationis necessitatem fatebantur, multoque magis eam fassi fuerant plures ex ipsorum collegis ac ciuib; per quamdam discessus speciem, qui fugam præ se ferret. Hoc posito, bienij spatiū rebus consentaneum agnoscebatur ab iis, qui ratiocinatione, non cupiditate, spem futuræ tranquillitatis ad id necessariæ metiebantur. Quod si ea prius euenisset, prospectum iam fuerat ut illicet Synodus restitueretur: nec dubitandum erat, quin vbi illa videretur opportuna, à Pontifice, iisdemque Principibus, qui prius eam legendam curauerant, reuocaretur. Ex altera parte, si idem Principes sècùs putassent, quæcumque certa conuocatio fuisset præsenti Decreto indicta, in irritum caderet.

Quod vero attinebat ad ea verba, quæ postremā parte continebantur, in quantum ad ipsos de iure spectat: vel ea prætermittenda silentio erant, eo animo, vt tamen subaudirentur; & idem litium seminarium perdurasset, nimirum ad quem & quoisque de iure spectaret efficere, vt quæ Synodus decreuerat, obseruarentur: vel eorum Antistitutum sententia erat, vt non modò sonus, sed etiam significatio huiusmodi verborum excluderetur, adeò ut ad singulos absque ullo discrimine earum sanctionum plena executio pertinere: & cui latere potuisset, quantum confusioneis perturbationisque in Ecclesiam inde manaturum aduersus omnium Canonum sanctiones, omniumque Conciliorum voluntatem?

8 Quemadmodum nullum in terris bonum damno aliquo vacat, ita nullum malum alicuius commodi expers est: nimirum, grauiores arumnæ leuorem brevioremque nunc reddidere controuersiam de suspensione, quam sedente Paulo de translatione. Tunc bonum nocuit, scilicet ingruentis luis cessatio, quæ causa fuit, cur reluctantes Episcopi illic persisterent, quæ animos ipsis suppeditauit ad perpetuò impugnandam tamquam simulatam causam perfectionis, à reliquis prius peractæ; Cesari vero speciosum fucum, ad huiusmodi creditum ius per se ac per alios firmiter sustinendum. Ex aduerso in præsentia malum profuit, quia periculis crescentibus contestatio contraria factis easifit; quandoquidem illius autores paulò post suæ saluti discessu consuluere. Neque ullam timiditatis notam mereri potuit ea Togatorum manus, quod se discriminis subduxerit, quando

1552.

quando vel ipse Carolus V. qui ad eam usque diem hostibus intermortales summè formidandis peccus semper aduersum obiecerat, necesse habuit suis subditis perduellibus terga ostendere, ne pristina ipsius fortitudo in temeritatem abiret, & ab ipsis captiuos cum Imperij Christianique nominis pernicie abduceretur. Etenim prævalido Clusia transitu à Protestantibus occupato, ille per offusas in-

^b Vide Parvum in postremo lib. primæ partis, & fusiūs Adrian. lib. 9.

tempesta noctis tenebras Oeniponto discessit, ^b infirmā valetudine, lecticā vectus, quem maior comitatus pars equorum penitus pedes in ea repentina rerum perturbatione secuta est: nec ille se tuum habuit, donec Villacum oppidum Carinthia peruenit, finium Foroiulij, sub Veneta ditione. Quin illuc etiam ex milite collecto, quā ut Cæsar honorifice exciperetur, quā ut fines munentur, nouum metum concepit Carolus, in suspicionem adductus ab exorto, quamvis falso, rumore fœderis inter Venetos ac Protestantes initi. Paucis horis post Cæsar's discessum Oeniponto, illuc Mauritius ingressus, quiⁱ intactis ciuium bonis ac Ferdinandi (qui pacis potius amicus quam haeresis inimicus putabatur) hostiliter depopulatus est quidquid ibi habebant Cæsar, Augustanus Cardinalis, & Hispani, nomina Protestantibus infensissima, quod primus illarum illis clodium auctor, alter consiliarius, postremi executores fuissent.

Has inter turbas ministri Pontificij ab huiusmodi angustiis ad tam subitariam profecitionem compulsi sunt, ut cum eorum quibusdam, nisi Madruccius necessaria ad viaticum suppeditasset, male actum esset. Crescentius, etsi oppressus morbo, ^k ut in mortem potius quam in hostem incideret, per Athesim Veronam deportari iussit, ubi intra triduum ^l decepsit; atque eius cadaveri Romam de latore honor redditus est, qui virtuti etiam in cineribus soluitur.

Suavis affirmare nihil veretur, in Aula Romana duos Nuntios fuisse acriter obiurgatos, quod in Decreto Synodus Christianos horrata esset, ut ea quae fuerant à se sancta seruarent, non prius requisita Pontificis confirmatione, quā deficiente sanctionum pariter efficacia deficiebat, ex doctrina quae Romæ traditur: & addit, fuisse qui diceret, & Nuntios, & Episcopos qui consenserunt, ea de causa in censuras prolapso. Enimvero quemadmodum à veteribus amores cœcus depictus fuit, ita pariter odium cœcum depingendum videatur; nisi quod fortasse cognoverint id quod postea S. Thomas notauit, vim omnem odij, itidem ac cuiusvis animorum affectionis, non aliud reuerâ esse, nisi intermixtum quedam amorem. Nonne ^m Antuerpiensibus typis impressum legitur? nonne Suavis ipse

^k Diarium Magistrorum cœ-
tim. 7. Maij
1552.
^l Acta in Ar-
ce Alia,
25. Maij.

^m Synodus
cum citatis
scripturis
fuit impressa
Antuerpiæ
an. 1564.

narravit, fuisse in eo Decreto requisitas confessionem auctoritatem
que Pontificis & Apostolicae Sedis?

¹¹ Tam palmaris mendacij confutationi par est adiiciam solutionem eiusdem calumniae. Cur, inquit ille, disputandi locus negabatur Protestantibus aduersus Decreta iam constituta in Concilio, si ea certa & extra falsitatis aleam non erant, donec à Romano Pontifice confirmarentur? In promptu ratio est: Quia reipsa confirmabantur, pro eo ac Pontifex de illis edoctus subinde per suas litteras ad Praesides ea comprobabat, & edenda per typos curabat, variisque adiectis significacionibus confirmabat: & ubi cetera decessent, eadem ipsa responsa, quæ Cæsaribus Oratoribus voce, quæ Carolo Germanique Ecclesiasticis scripto reddita à Paulo & Iulio, postulantibus, ne res sanctitas in controvèrsiam amplius reuocarentur, efficacis comprobationis vicem subiissent. Quamquam in fine Synodi, quod solemnior firmiorque memoria rerum omnium in fastis Ecclesiæ supereisset, prudenter & à Synodo postulata, & à Pontifice prolatâ fuerit vniuersalis ac diserta illarum confirmatio, sicuti suo loco scribemus, cum haud nouum sit, eamdem actionem iteratis comprobationibus confirmari ad cautionis libertatem, ac maiestatis confessionem; eo sane pacto, quo magnifico ædificio maior columnarum numerus apponitur, quam illi sustinendo sufficiat. Quemadmodum Angelorum est præstantia, qui famulis non indigent, famulis carere; sed hominum, quibus illi sunt opus, supra quam indigeant, iis abundare: ita vniuerse rebus, quæ fulcimentis non egent, præstantiae vertitur, fulcimentis vacare; sed rebus, quæ fulcris indigent, eis supra quam indigeant abundare.

C A P V T I V .

Varia Suaus calumniæ de Synodi dilatione, susceptoque à Pon-
tifice Syriae Patriarcha, reiecta.

¹ **S**ed nondum Suaus cauillos euafimus. Is ad carpendum Pontificem obseruat in primis, suspensionem Synodi, tametsi ad duos annos statutam, decem postea perdurasse. Verum hic auctor (quod alibi notatum est) vitium præ se fert maximè dissensaneum homini, artem quam exercet Suaus profitenti, hoc est mendaciorum textori, vitium inquam obliuiosi. Quo pacto exciderat è memoria quod paulò ante narrauerat, spatium biennij fuisse sub conditione præscriptum, si obstacula interim desissent; nimirum, inter Christianos Principes discordia? Licebat ipsi animaduertere

Pars II.

D d d

ex